

## Акафист Пресвятой Богородице пред иконой «Неупиваемая Чаша»

---

### Конда́к 1

---

Изря́дное и дивное вспомо́жение нам дарова́ся, о́браз  
Твой че́стный, Богоро́дице Де́во, я́ко изба́вльшися явлéнием  
его́ недúгов душе́вных и телéсных и ско́рбных обстоя́ний,  
благодарны́я хвалы́ прино́сим Ти, всеми́лостивая  
Засту́пнице. Ты же, Госпоже́, приклони́ся благоутро́бно к  
на́шим воздыхáнием и во́плем сердéчным, и исцелéние  
пода́ждь стра́ждущим, да с ве́рою воззовéм Ти:

Ра́дуйся, Влады́чице, Неупивáемая Ча́ше, духо́вную  
жа́жду на́шу утоля́ющая.

### И́кос 1

---

А́нгельстии чéни и пра́ведников со́нми непреста́нно  
сла́вят Тя, Цари́цу Богоро́дицу, ходáтаицу о ро́де  
челове́честем, в беззакóнных погру́женнем и во гресéх  
пребывáющем, да́руеши бо нам во утешéние и спасéние  
ми́лость Свою́ чрез чудотво́рныя ико́ны Твоя́, ихже, я́ко  
звёзды небéсныя, по всей земл́и на́шей зрим. Ко еди́ному же  
от сих о́бразов, Неупивáемая Ча́ша имену́емому,  
припада́юще, из глубины́ се́рдца взыва́ем Ти:

Ра́дуйся, непристу́пнаго Божества́ селéние;

ра́дуйся, непреста́нное челове́ков удивлéние.

Ра́дуйся, скорбьми́ грехи́ на́ша очища́ющая;

ра́дуйся, печа́льми на́ша не́мощи врачу́ющая.

Ра́дуйся, ми́лость Свою́ нам свѣ́ше посыла́ющая;

ра́дуйся, ско́рбная серде́ца на́ша весе́лящая.

Ра́дуйся, пречу́дное всех с Бо́гом примире́ние;

ра́дуйся, му́ки ве́чныя изве́стное изба́вление.

Ра́дуйся, Влады́чице, Неупива́емая Ча́ше, духо́вную жа́жду на́шу уто́ляющая.

### Конда́к 2

---

Ви́дящи, Пречи́стая Влады́чице, ско́рби серде́чныя, му́ки душе́вныя, пока́яние и́скреннее челове́ков, губи́тельным поро́ком пья́нства одержи́мых, благово́лила еси́ дарова́ти богоспаса́емому гра́ду Сѣрпухову ми́лость Твою́ явлѣнием пречу́днаго о́браза Твоего́, да вси, с ве́рою и сокруше́нным се́рдцем к нему́ припа́дающи и исцеле́ние от тяжкаго недуга́ своего́ обрета́ющи, усѣ́рдно вопи́ют Бо́гу: Аллилу́ия.

### И́кос 2

---

Разуме́в трикратное явлѣние преподо́бнаго Варлаа́ма и повеле́ние от него́ во гра́д Сѣрпухов ше́ствовати, челове́к не́кий, стра́стию пья́нства одержи́мый, обрѣ́те та́мо в монасты́ре ико́ну Твою́ святу́ю, Неупива́емая Ча́ша имену́емую. Мы же, ви́дяще таково́е о нас, грѣ́шных, попече́ние, со благоговѣ́нием воспева́ем Ти такова́я:

Ра́дуйся, сла́ву чудѣс Твои́х грѣ́шным открыва́ющая;

ра́дуйся, Путево́дительнице, пу́ть благи́й им явля́ющая.

Ра́дуйся, ко спасе́нию нас привле́кающая;

ра́дуйся, благодарéнию нас науча́ющая.

Ра́дуйся, ско́рби на́шей в ра́дость претворéние;

ра́дуйся, несумнénною надéждою возвеселéние.

Ра́дуйся, губи́тельныя стра́сти потребля́ющая;

ра́дуйся, блаѓим намерéнием посóбствующая.

Ра́дуйся, Влады́чице, Неупива́емая Ча́ше, духо́вную жа́жду на́шу утоля́ющая.

### Конда́к 3

---

Си́ла Вы́шняго благода́тию Влады́чицы укрепí не́коего челове́ка, недúгом пия́нства стра́ждущаго, егда́ той, разсла́блене имы́й но́зе, потща́ся гра́да Сёрпухова достíгнути, повелéние Богороди́цы, чрез преподо́бнаго Варлаа́ма рече́нное, исполня́я. Обрёт же во гра́де сем ико́ну Пречи́стыя Богома́тере, а́бие исцелé от недúга своегó, душе́внаго и телéснаго, и с трéпетом воззва́ Бо́гу: Аллилу́ия.

### И́кос 3

---

Иму́ще исто́чник неоскудева́емый, неупива́емую ча́шу небéсных дарова́ний, не то́кмо лю́дие гра́да Сёрпухова, но и вси правосла́внии христиа́не от ины́х градóв и вéсей, к Твоему́ пречúдному óбразу притека́юще и пред сим исцелéния обрета́юще, благодарными усты́ вопи́ют Ти си́це:

Ра́дуйся, Ё́юже ско́рби на́ша потребля́ются;

ра́дуйся, Ё́юже ра́дость спасéния излива́ется.

Ра́дуйся, не́мощи душе́вныя и телéсныя врачúющая;

ра́дуйся, стра́сти моли́твами Тво́ими укроща́ющая.

Ра́дуйся, коему́ждо прося́щему полéзная да́рующая;

ра́дуйся, безчи́сленныя щедро́ты всем пода́ющая.

Ра́дуйся, ми́лости сокрови́ще нам отверза́ющая;

ра́дуйся, милосе́рдие к па́дшим явля́ющая.

Ра́дуйся, Влады́чице, Неупива́емая Ча́ше, духо́вную жа́жду на́шу утоля́ющая.

#### Конда́к 4

---

Бу́рю вну́три иму́ще помышле́ний сумни́тельных, о́баче с покая́нием и́скренним к Твоему́ неизрече́нному милосе́рдию притека́юще, пия́нственною стра́стию одержи́мии исцеле́ние получа́ют, и от всея́ ду́ши зову́т ро́ждённому от Тебе́ Спаси́телю на́шему: Аллилу́ия.

#### И́кос 4

---

Слы́ша Господь тяжкия́ ско́рби, во́пли и плач жен, ста́риц, дете́й, ихже сро́дницы обурева́еми суть пия́нственною стра́стию или́ безу́мием наркоти́ческим одержи́мии, дарова́ им, Пренепоро́чная, Твою́ ико́ну, от нея́же вси прося́щии утеше́ние и ра́дость духо́вную обрета́ют, и вопио́т Ти со слеза́ми такова́я:

Ра́дуйся, А́гнице, А́гнца ро́ждшая, грехи́ ми́ра взема́ющая;

ра́дуйся, Ча́ше, от исто́чника безсме́ртia че́рплющая.

Ра́дуйся, ма́терей ско́рбных укрепле́ние;

ра́дуйся, ненаде́жных благо́е наде́яние.

Ра́дуйся, притека́ющих к Тебе́ благода́тное охране́ние;

ра́дуйся, скорбя́щих отра́до и утеше́ние.

Ра́дуйся, волне́ние страсте́й в нас усмиря́ющая;

ра́дуйся, ру́ку по́мощи тре́бующим простира́ющая.

Ра́дуйся, Влады́чице, Неупива́емая Ча́ше, духо́вную жа́жду на́шу утоля́ющая.

### Конда́к 5

---

Боготе́чную звезду́, честную́ ико́ну Твою́, показа́ла еси́ нам, Влады́чице ми́ра, ю́же зря́ще и с ве́рою серде́чную моля́щая Тебе́, Богоро́дице, глаго́лем: пьянством и ины́ми недуги́ душе́вными или́ телесными́ стра́ждущия исцели́, ве́рныя же научи́ воспева́ти хвалу́ Бо́гу: Аллилу́ия.

### И́кос 5

---

Ви́дяще чудеса́ пресла́вная и зна́мения пречу́дная, не то́кмо от ико́ны Твоея́, Богома́ти, во гра́де Сёрпухове явле́нныя, быва́емая, но и от я́же по подо́бию сея́ ико́ны изображе́ний, припада́юще к ним, смире́нно глаго́лем Ти:

Ра́дуйся, притека́ющих к Тебе́ ско́рая Предста́тельница;

ра́дуйся, моле́ний на́ших благосе́рдная Услы́шательнице.

Ра́дуйся, град Сёрпухов благослове́нием Твои́м осени́вшая;

ра́дуйся, в преде́лах моско́вских сла́ву чудес Твои́х яви́вшая.

Ра́дуйся, сокро́вище исцелений неоскудеваемое;  
ра́дуйся, возде́ржником всемо́щная Покрови́тельница.

Ра́дуйся, проти́ву ми́ра и диа́вола подви́зающимся  
Споспéшнице;

ра́дуйся, в ми́ре благоче́стно живу́щих усéрдная  
Засту́пнице.

Ра́дуйся, Влады́чице, Неупива́емая Ча́ше, духо́вную  
жа́жду на́шу утоля́ющая.

### Конда́к 6

---

Пропове́дующе чудеса́ Твоя́, Богороди́тельнице, мо́лим  
Тя, Пречи́стая, со слеза́ми: изба́ви все́х нас от па́губнаго к  
винопíтию пристра́стия и от паде́ний грехо́вных,  
подви́зающи воспева́ти Бо́гови: Аллилу́ия.

### И́кос 6

---

Воссия́ свéтлость Божéственныя сла́вы от ико́ны Твоея́,  
Де́во Богоотрокови́це, иде́же Госпо́дь наш Иису́с Хри́стос  
я́ко младе́нец зри́тся, о́браз Таин Свои́х Пречи́стых нам  
явля́яй, и от страсте́й ме́рзких с ве́рою притека́ющим  
избавле́ние да́рует. Мы же Тебе́, Пречи́стей Егó Мате́ри,  
вы́ну о нас Сы́на Своего́ умоля́ющей, гла́сы немол́чныя  
прино́сим сицевы́я:

Ра́дуйся, я́ко о Тебе́ раду́ется а́нгельский собо́р;

ра́дуйся, я́ко о Тебе́ торже́ству́ет челове́ческий род:

Ра́дуйся, похва́лы небе́сныя и земны́я сла́вою  
превосходя́щая;

ра́дуйся, рождѣннаго Тобѳю́ А́гнца нам дѣвно  
показу́ющая.

Ра́дуйся, ко вратѳм жѣзни вѣчныя приводѣщая;

ра́дуйся, от истѳчника нетлѣния жа́ждущия напая́ющая.

Ра́дуйся, от падѣний грехѳвных возставлѣющая;

ра́дуйся, неиссяка́емою бла́гостию никогѳже  
оставлѣющая.

Ра́дуйся, Владѣчице, Неупива́емая Ча́ше, духо́вную  
жа́жду на́шу утоля́ющая.

#### Конда́к 7

---

Хотѣ́ человек не́кий возблагодарѣ́ти Тя, Владѣ́чице,  
исцелѣ́ния ра́ди от недѳга пѣнственнаго, украсѣ́ Твою́,  
Богома́ти, пречѳдную ико́ну, во гра́де Сѣрпухове  
пребыва́ющую, со благодарѣ́нием воспева́я Бо́гу: Аллилу́ия.

#### И́кос 7

---

Дѣ́вная чудеса́ ви́дим, Пречѣ́стая, от ико́ны Твоея́  
святы́я: стра́стию пѣнства стра́ждущи, к Твоему́  
ма́тернему предста́тельству прибега́юще, от тяжкаго недѳга  
своего́ избавлѣ́ются, и хвалу́ Тебе́ принося́ще, зову́т така́я:

Ра́дуйся, живонѳсный истѳчнице исцелѣ́ний;

ра́дуйся, купѣ́ле небѣ́сная божѣ́ственных дарова́ний.

Ра́дуйся, реко́ исцелѣ́ний приснотеку́щая;

ра́дуйся, мо́ре, стра́сти на́ша потопля́ющее.

Ра́дуйся, во грехѣ́ впѣ́дшим наде́жду подаю́щая;

ра́дуйся, ма́тернима рука́ма Тво́йма тех возста́вляющая.

Ра́дуйся, сердца́ благочести́вых возвеселя́ющая;

ра́дуйся, вся́ благая́ проше́ния на́ша исполня́ющая.

Ра́дуйся, Влады́чице, Неупива́емая Ча́ше, духо́вную жа́жду на́шу утоля́ющая.

### Конда́к 8

---

Стра́нно и сумни́тельно неве́рующим слы́шати, ка́ко ико́на Твоя́ святая́ божество́нных исцелений́ источа́ет струи́. Мы же, о́ной благоговейно́ поклоня́ющесея, лобыза́ем ю, вопи́юще Бо́гу: Аллилу́ия.

### И́кос 8

---

Все упова́ние стра́ждущии недуго́м пьянства на Тя, Де́во Чи́стая, возлага́ют: приклони́ся к немо́щем на́шим, уврачу́й стра́сти, кто бо нас грéшных изведёт из ро́ва поги́бели, а́ще не Ты, Влады́чице? Сего́ ра́ди, колéна пред Тво́им честны́м о́бразом прекло́ньше, воспева́ем Ти та́ко:

Ра́дуйся, молéния грéшников не отверга́ющая;

ра́дуйся, призыва́ющим Тя небéсную по́мощь ниспосыла́ющая.

Ра́дуйся, глубинú милосер́дия Твоего́ грéшным показу́ющая;

ра́дуйся, отча́янных и безнаде́жных ободря́ющая.

Ра́дуйся, одержи́мым стра́стию пьянства помо́жение;

ра́дуйся, терпели́вых страда́льцев благодáтное утешéние.



Ра́дуйся, неду́гов на́ших благáя Целíteльнице.

ра́дуйся, от суеты́ мирскíя на́ша Охранíteльнице.

Ра́дуйся, Влады́чице, Неупивáемая Чáше, духо́вную жа́жду на́шу утоля́ющая.

### Конда́к 9

---

Вся́кое естество́ а́нгельское удивíся дѣлу Твоего́ милосѣрдíя, Го́споди, я́ко дарова́л еси́ грѣшному роду́ челове́ческому твёрдую́ Засту́пницу и Помо́щницу, к на́шим нѣмощем приклоня́ющуюся и от го́рькаго недуга́ пьянства́ свобожда́ющую, вѣрныя же науча́ющую пѣти Тебѣ́: Аллилу́ия.

### И́кос 9

---

Ветíи многовещáннии недоуме́ют восхвалíти по достоя́нию дíвное, Богома́ти, ико́ны Твоея́ явлѣние, ниже́ мы, грѣшнии, от сквѣрных устѣн на́ших возмо́жем просла́вити засту́пницу на́шу, я́коже подобáет. Обáче, душо́ю и сѣрдцем ра́дующесея, Тебѣ́ глаго́лем:

Ра́дуйся, я́ко лик Твой свяще́нный явля́ет чудеса́;

ра́дуйся, я́ко ско́рое еси́ посрамлѣние отверга́ющих Тя.

Ра́дуйся, от бед и скорбѣ́й прíсное огражде́ние;

ра́дуйся, прибега́ющих к Тебѣ́ от зла сохранѣ́ние.

Ра́дуйся, крѣтким сия́нием Твои́м мглу́ страсте́й разгоня́ющая;

ра́дуйся, ду́ши на́ша любѣ́вию к Тебѣ́ и Сы́ну Твоему́ исполня́ющая.

Ра́дуйся, ко стезя́м покая́ния премúдрая Настáвнице;  
ра́дуйся, до́браго нам отвéта пред Судие́ю Пра́ведным  
Ходáтаице.

Ра́дуйся, Влады́чице, Неупивáемая Ча́ше, духо́вную  
жа́жду на́шу утоля́ющая.

Конда́к 10

---

Спасти́ хотя́щи мно́гия, чу́дную ико́ну Твою́,  
Присноде́во, пьянством недúгующим дарова́ла еси́, да вси  
одержими́и сею́ стра́стию к чудотво́рному о́бразу Твоему́  
притека́ют и, исцеле́ние получи́вше, во умилéнии взыва́ют  
Бо́гу: Аллилу́ия.

И́кос 10

---

Стена́ еси́ и щит, Богома́ти, пьянства недúгом  
стра́ждущим, и всем усéрдно к Тебе́ притека́ющим и ико́ну  
Твою́ святу́ю благоговéйно чтúщим, сию́ бо нам дарова́  
благих Подáтель Госпо́дь в по́мощь и цельбу́ от губи́тельных  
стра́сти, и тем наказúет нам пéти Тебе́ такова́я:

Ра́дуйся, врачевáний ло́жных грóзное испроверже́ние;  
ра́дуйся, благода́ти Врача́ И́стиннаго к нам привлече́ние.  
Ра́дуйся, Твое́ю чистото́ю на́шу скве́рну очища́ющая;  
ра́дуйся, Твое́ю благода́тию на́ше недостóинство  
просвещáющая.

Ра́дуйся, естество́ на́ше тле́нное в нетле́ние облека́ющая;  
ра́дуйся, молéния на́ша Твои́м предста́тельством  
укрепля́ющая.

Ра́дуйся, от неможе́ния на́шего нас восставля́ющая;  
ра́дуйся, объёмши́й нас о́блак страсте́й разгоня́ющая.

Ра́дуйся, Влады́чице, Неупива́емая Ча́ше, духо́вную жа́жду на́шу утоля́ющая.

### Конда́к 11

---

Пе́ние на́ше смире́нное, от любви́ и усер́дия Тебе́ приноси́мое, не прёзри, Чи́стая, и не отврати́ ли́ка Твоего́ от стра́ждущих недúгом пьянства́ и отча́явшихся, но помози́ им и нам очисти́тися от вся́кия скве́рны грехо́вныя, да возмо́жем досто́йно и пра́ведно пе́ти Бо́гу: Аллилу́ия.

### И́кос 11

---

Светоприёмную́ свещу́ зрим Тя, Пресвята́я Де́во, Твой бо о́браз святы́й луча́ми благода́ти Твоея́ мглу́ грехо́вную прогоня́ет и на све́тлую стезю́ добродете́лей наставля́ет с ве́рою зову́щих Ти такова́я:

Ра́дуйся, от суеты́ ми́ра сегó многомяте́жнаго нас изыма́ющая;

ра́дуйся, прираже́ния страсте́й плотски́х отража́ти нам помога́ющая.

Ра́дуйся, мысль бла́гу в се́рдце на́ше полага́ющая;

ра́дуйся, омраче́нную со́весть на́шу просвеща́ющая.

Ра́дуйся, мучи́тельными недúги стра́ждущих избавля́ющая;

ра́дуйся, ко и́скреннему́ пока́нию и исправле́нию призыва́ющая.

Ра́дуйся, ду́ши всех озло́бленных укрепля́ющая;  
ра́дуйся, и́мя Твое́ сла́вящих спаса́ющая.

Ра́дуйся, Влады́чице, Неупива́емая Ча́ше, духо́вную  
жа́жду на́шу утоля́ющая.

### Конда́к 12

---

Благода́ть Бо́жия, предста́тельством Твои́м, о Богома́ти,  
подава́ется всем скорбя́щим, обездо́ленным, вдова́м и  
ста́рицам, наипа́че же пьянственны́м недуго́м стра́ждущим,  
и не тщи отхо́дят сии, Пречи́стая, от неупива́емья ча́ши  
боже́ственных дарова́ний Твои́х, но неоску́дно цельбы́  
получа́юще, Всеблага́я, благодарственнó вопию́т Бо́гу:  
Аллилу́ия.

### И́кос 12

---

Пою́ще Твоя́ чудеса́ и ве́лию ми́лость, стра́стию пьянства  
одержимы́м явлéнную, мо́лим Тя, Влады́чице, спаси́ и  
помилуй, и наста́ви на стезю́ пра́ву, и не оста́ви нас, покро́ва  
Твоего́ и́щущих и зову́щих Ти:

Ра́дуйся, ро́су ми́лости Твоея́ нам низводя́щая;  
ра́дуйся, от пристра́стия к хмельно́му питию́  
свобожда́ющая.

Ра́дуйся, от пьянственны́х стра́сти врачевáние;  
ра́дуйся, в расслаблénии сущим крèпкое поможе́ние.

Ра́дуйся, го́рдья смиря́ющая;

ра́дуйся, смире́нная возвыша́ющая.

Ра́дуйся, малоду́шных дѣвное ободрѣние;

ра́дуйся, благоду́шных вѣлия радосте.

Ра́дуйся, Влады́чице, Неупива́емая Ча́ше, духо́вную жа́жду на́шу утоля́ющая.

### Конда́к 13

---

О премѣлостивая Ма́ти Сладча́йшаго Го́спода на́шего Иису́са Христа́! Ны́нешнее на́ше услы́ши моле́ние и изба́ви нас от всех неду́гов душе́вных и телѣсных, наипа́че же исцели́ пьянством стра́ждущия, да не во зле поги́бнут, но да спасѣннии Тобо́ю прѣсно вопи́ют Бо́гу: Аллилу́ия.

Сей конда́к глаго́лется трѣжды. И па́ки чте́тся 1-й ѵ́кос и 1-й конда́к.

### Моли́тва

---

О Премилосѣрдая Влады́чице! К Твоему́ заступле́нию ны́не прибега́ем, моле́ний на́ших не прѣзри, но ско́ро исцели́ тяжким неду́гом пьянства одержи́мых бра́тий и сестр на́ших и того́ ра́ди от ма́тере своея́, Це́ркве Христо́вы, и от спасѣния отпада́ющих. О Всеми́лостивая Ма́ти Бо́жия, косни́ся серде́ц их и ско́ро возста́ви от падѣний грехо́вных, исцели́ я и ко спаси́тельному воздержáнию приведи́. Умоли́ Сы́на Своего́, Христа́ Бо́га на́шего, да прости́т нам согрѣше́ния на́ша и не отврати́т ми́лости Своея́ от люде́й Свои́х, но да укрепи́т их в трезве́нии и целому́дрии. Приими́, Пресвята́я Богоро́дице, моли́твы роди́телей, о ча́дех свои́х слѣзы пролива́ющих; жен, о мужѣх свои́х рыда́ющих; чад, си́рых и убо́гих, заблудшими оста́вленных, и всех нас, к ико́не Твое́й припада́ющих, – и да

при́дет сей вопль наш моли́твами Тво́ими ко Престо́лу  
Всеви́шняго. Покры́й и соблюди́ нас от лука́ваго ловле́ния и  
все́х ко́зней вра́жиих, в стра́шный же час исхо́да на́шего  
помози́ прои́ти непреткнове́нно возду́шная мыта́рства и  
моли́твами Тво́ими изба́ви ве́чнаго осужде́ния, да покры́ет  
нас ми́лость Бо́жия во ве́ки веко́в. Ами́нь.